



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

I.

[urn:nbn:de:hbz:466:1-47773](#)

sponderi aliter non possit, quām illam laudib⁹ extollen-
do, ut Virgo in præsenti præstítit. Et si tu rem grātam Vir-
gini præstare cupis, en in quo occupare te debeas; in agen-
dis summo D E O grātiis pro favoribus in ipsam collatis:
idque tanto magis, quia eti⁹ hi collati sunt in ipsam pro-
pter ipsam, cur tamen tanto numero & pondere collati in
ipsam sunt, nisi ut ab ea in te dimanarent?

*Et Misericordia ejus à progenie in progenies timen-
tibus eum.*

I.

Considera, ne ambigeremus de veritate jam nunc pro-
posita (quod favores collati Virgini, et si collati essent
ipsiusmet gratiā, tantā tamen abundantiā congesti
fuerint, ut etiam in te dimanarent) mox atque dixerat, fe-
cit mihi magna qui potens est, confessim subjunxisse; & mi-
sericordia ejus à progenie in progenies timentibus eum. Et
verò quid est, quod in te extinguit fiduciam aliquam eti-
am eorum favorum partem accipiendi? an non infelix con-
ditio tua? Vult ideo Virgo, ut inter plurimas dotes ac per-
fectiones, quas DEUS habet ad hoc paratas, ut in te sit mu-
nificus, tu poissimum obtutum defigas in Misericordiam.
Poterat dicere Clementia ejus à progenie in progenies timenti-
bus eum. Aut certè Bonitas ejus, Benevolentia ejus, Libe-
ralitas ejus; Ita autem loquendo bene locuta esset etiam re-
spectu tui; sed non esset locuta sat. Clementiae finis est,
mitius judicare de noxis admissis, & moderari atrocitatē
pcnarum. Bonitas major erga meliores exercetur. Be-
nevolentia plus melius meritis exhibetur, Liberalitas do-
na magnā copiā largitur, sed non nisi dignis recipere. At-
que

que idcirco ab his virtutibus, et si omnes boni publici rationem habeant, non tamen omnes æquâ portione sperare possunt. At Misericordia quem non ad paria speranda excitat? Pòtiùs ubi miseria major est, ibi Misericordia campum nacta est, ubi triumphet. Quomodo igitur non animos tibi addit Virgo, & ad ingentem fiduciam excitat, dum certum te reddit, quòd Misericordia ejus fit à progenie in progenies timentibus eum? Transit D E I Miseratio à generatione in generationem. O nuntium felicem! continua igitur est, maxima est, omnibus communis est: cùm aliâ ratione verum censeri non possit, quòd plus quam omne flumen regium, tantâ abundantia, & inexhaustâ fluat per orbem universum, si qui uspiam aggeres essent, quos ipsa suo impetu ac vitibus non perrumperet; aut si ullæ uspiam abyssi essent, quos illa plenissimo alveo suo non impleret.

Negari equidem non potest, Virginem h̄ic per diuinam Misericordiam speciali quâdam ratione intellexisse di- vini Verbi suo in sinu peractam cum humana natura con- junctionem. Hæc sicut naturâ suâ nullis cujusquam be- ne meritis deberi potuit, sic profectò fuit Misericordia tan- tæ perfectionis puritatísque, quantam D E U S erga huma- num genus exerere poterat. Unde olim hoc nomine po- tiùs, quam alio quounque fuit adumbrata. Hæc fuit Mi- sericordia primis Parentibus promissa: hæc ab iis tot secu- lorum decursu desiderata; hæc tot votis experta; hæc ce- lebrata, hæc ob eorum oculos semper versata, tanquam unica Salutis cynosura: *Misericordia tua ante oculos meos est*: in hujus liquidem fide, & non aliter, sperari poterat salutis portus. Hæc tamen Misericordia si in Virginis sinu originem suam nacta est, ab una tamen progenie ad alte- ram,

ram , juxta Virginis Vaticinium , promanare debebat rivis copiosissimis. Etsi enim non nisi Hebrææ genti esset promissa , debebat tamen à Judæa dimanare ad nationes etiam alias ex aliis , quamlibet à vero DEI cultu & natione Hebrææ alienos , Nili instar , qui nullis ripis posset coerceri. Et tu dicere possis , non videre te effecta ejus Misericordiæ , quotidie latius omnium Populorum bono propagatæ? *Misericordia Domini plena est terra.* Perpende quoisque illa progressa sit ! Nemo adeò extremè miser est , ut ea juvante non ad summam aliquam felicitatem evehi possit. Sit Pecator quām profligatus , quām perfidus reperiri uspiam potest ; modò ipse velit , potest & ipse ad insignem quandam vitæ sanctitatem pertingere .

II.

Considera , quanto jure & quām merito promiserit Virgo hanc tantæ Misericordiæ , modò dictæ , propagationem , cùm Ipsa ejus Mater fuerit , *Mater Misericordiæ.* An audivimus illam appellari Matrem Divinæ Potentiarum , Matrem Sapientiarum , Matrem Sanctitatis , Matrem Justitiarum haudquam sanè. Fit hoc idcirco , quia dum Carne nostra mortali se DEI Verbum vestiit , nihil quidquam illi aut Potentiarum , aut Sapientiarum , aut Sanctitatis , aut Justitiarum accessit , quod non jam antè se solo haberet : multum tamen illi Misericordiæ obvenit. Non ignoras , Angelico dacente , geminas esse Misericordiæ dotes : Una est dolere miseras alienas , perinde ac si propriæ essent ; altera opem iisdem ferre. Ad hanc potro opem ferendam DEO necessarium nullo modo erat carnem nostram induere , cùm jam tanto ante quām illam assumeret , dici posset aliud non præstasse , quām ut opem homini in sinistris suis casibus afferret .

F

ferret.